

اتوار 30 اگست، 2020

مضمون۔ مسیح یسوع

سنہری متن: 1 یوحنا 4 باب 14 آیت

”تے اسی ویکھ لیا اے تے گواہی دینے آں پئی بیونے پترنوں جگ وچ منجی بنا کے گھلایا اے۔“

جوابی پڑھائی: یسعیاہ 9 باب 2 توں 4، 6 توں 8 آیتاں

2- جیہڑے لوکی ہنیرے وچ ٹردے سی اوہناں نے بڑی لو ویکھی۔ جیہڑے موت دے پرچھانویں دے ملک وچ وسدے سی اوہناں اُتے نور چمکیا۔

3- تُو قوم نوں ودھایا۔ تُو اوہناں دی خوشی نوں بوہتا کیتا۔ اوہ تیرے سامنے اجیسے خوش نہیں جیویں پہلی وڈھن ویلے تے غنیمت ونڈن ویلے لوکی خوش ہندے نیں۔

4- کیوں جے تُو اوہناں دے بوجھ دے جوئے تے اوہناں دے موڈھیاں دے لٹھ تے اوہناں اُتے ظلم کرن والی سوٹی نوں اجیہا توڑیا جیویں مدیاں دے دن کیتا سی۔

6- ایس لئی ساڈے لئی اک منڈا جمیاتے ساہنوں اک پتر بخشیا گیا تے سلطنت اوہدے موڈھیاں اُتے ہووے گی تے اوہداناں عجیب مشیر خدائے قادر ابدیت دا پو سلا متی دا شہزادہ ہووے گا۔

7- اوہدی سلطنت دے اقبال تے سلامتی دی انتہانہ ہووے گی۔ اوہ داؤد دے تخت تے اوہدی مملکت اُتے آج توں ہمیش تیکر حکمران رہووے گا تے عدالت تے صداقت نال اوہنوں قیام دیوے گا رب الفواج دی غیوری ایہہ کرے گی۔

8- خداوند نے یعقوب دے کول ایہہ سنیماں گھلیا تے اوہ اسرائیل اُتے نازل ہوئیا۔

درسی وعظ

بائبل وچوں

1- یسعیاہ 42 باب 1 توں 4 آیتاں

1- ویکھو میرا خدام جنہوں میں سنبھالداواں۔ میرا بر گزیدہ جیدے توں میرا دل خوش ہندا اے۔ میں اپنی روح اوہدے اُتے پائی۔ اوہ توماں وچ عدالت جاری کرے گا۔

2- اوہ نہ چلائے گا ناشور کرے گا تے نہ بازاراں وچ اوہدی آواز سنے گی۔

3- اوہ مسلے ہوئے سر کٹڈے نوں نہ توڑے گا تے ٹٹھاؤندی بتی نوں نہ بچھاوے گا۔ اوہ راستی نال عدالت کرے گا۔

4- اوہ ماندہ نہ ہووے گا تے ہمت نہ ہارے گا جدوں تیکر پئی عدالت نوں دھرتی اُتے قائم نہ کر لووے۔
جزیرے اوہدی شریعت دی اڈیک کرن گے۔

2- یسعیاہ 61 باب 1 توں 3 آیتاں

1- خداوند دی روح میرے اُتے اے اوہنے مینوں مسح کیتا پئی حلیمیاں نوں خوشخبری سناواں۔ اوہنے مینوں
گھلپائی شکستہ دلاں نوں تسلی دیواں۔ قیدیاں لئی رہائی تے اسیراں لئی آزادی دا اعلان کراں۔

2- تاں جو خداوند دے سالِ مقبول دا تے رب دے انتقام دے دیہاڑے دا اشتہار دیواں تے سارے ڈکھیاں
نووں دلاسا دیواں۔

3- صیون دے ڈکھیاں لئی ایہہ مقرر کر دیواں پئی اوہناں نوں سواہ دے بدلے سہرا تے ماتم دی تھاں خوشی
تے روغن تے ادا سی دے بدلے ستائش دا خلعت دیواں تاں جو اوہ صداقت دے رُکھ تے خداوند دے لائے
ہوئے اکھوان پئی اوہدا جلال ظاہر ہووے۔

3- مرقس 1 باب 1 آیت

1- یسوع مسیح رب دے پتر دی خوشخبری دا شروع۔

4- مرقس 3 باب 1 توں 5، 13 توں 15، 22 توں 27 آیتاں

- 1- تے اوہ عباد خانے وچ فیر وڑھیا تے او تھے اک بندہ سی جیڈا ہتھ سکلیا ہو گیا سی۔
- 2- تے اوہ اوہدی تاہنگ وچ رہے پئی جے اوہ سبت دے دن اوہنوں ٹھیک کرے تے اسی اوہدے اُتے الزام لائیے۔
- 3- اوہنے اوس بندے نوں جیڈا ہتھ سکلیا ہو گیا سی آکھیا وچالے کھڑا ہو۔
- 4- تے اوہناں نوں آکھیا سبت دے دن نیکی کرنا جائز اے یا بدی کرنا؟ جان بچانا یا قتل کرنا؟ اوہ چپ رہے۔
- 5- اوہنے اوہناں دی سخت دلی دے پاروں دکھی ہو کے چاراں پاسے اوہناں ول غصے نال نظر کر کے اوس بندے نوں آکھیا اپنا ہتھ ودھا۔ اوہنے ودھایا تے اوہد اہتھ ٹھیک ہو گیا۔
- 13- فیر اوہ پہاڑ اُتے چڑھ گیا تے جنماں نوں اوہ آپ چاؤندا اسی اوہناں نوں کول بلایا تے اوہ اوہدے کول آگئے۔
- 14- تے اوہنے بارہ نوں چنیا پئی اوہدے نال رہن تے اوہ اوہناں نوں گھلے پئی منادی کرن۔
- 15- تے بدر وحاں نوں کڈھن دا اختیار رکھن۔
- 22- تے فقیہ جیہڑے یروشلیم توں آئے سی اوہ آکھدے سی پئی اوہدے نال بعلز بول اے تے ایہہ وی پئی اوہ بدر وحاں دے سردار دی مدد نال بدر وحاں نوں کڈھدا اے۔
- 23- اوہ اوہناں نوں کول بلا کے اوہناں نوں تمثیلاں وچ آکھن لگیا پئی شیطان نوں شیطان کیویں کڈھ سکدا اے؟

- 24- تے جے کسے سلطنت وچ پھٹ پے جاوے تے اوہ سلطنت قائم نہیں رہ سکدی۔
- 25- تے جے کسے گھر وچ پھٹ پے جاوے تے اوہ گھر قائم نہیں رہ سکے گا۔
- 26- جے شیطان اپنا ای مخاطب ہو کے اپنے آپ وچ پھٹ پاوے تے اوہ قائم نہیں رہ سکد بلکہ اوہ اختتامہ ہو جاوے گا۔
- 27- پر کوئی بندی کسے زور والے بندے دے گھر وچ وڑھ کے اوہد مال نہیں لٹ سکد اجد تیکر پئی پہلاں اوہ اوس زور والے بندے نوں بنھ نہ لووے تداوہد اگھر لٹے گا۔

5- یوحنا 8 باب 31 توں 36 آیتاں

- 31- ایس لئی یسوع نے اوہناں یہودیاں نوں آکھیا جنہاں نے اوہد یقین کیتا سی پئی جے تسی میرے کلام اُتے قائم رہو وگے تے حقیقت وچ میرے شاگرد ٹھہرو گے۔
- 32- تے سچیاں توں واقف ہو وگے تے سچائی تہانوں آزاد کرے گی۔
- 33- اوہناں نے اوہنوں جواب دتا پئی اسی تے ابراہام دی پیڑی چوں آں تے کدی کسے دی غلامی وچ نہیں رہے۔ توں کیوں آکھد ایں پئی تسی آزاد کیتے جاو وگے؟
- 34- یسوع نے اوہناں نوں جواب دتا میں تہانوں سچ آکھداں پئی جیہڑا کوئی پاپ کردا اے پاپ دا غلام اے۔
- 35- تے غلام ہمیش تیکر گھر وچ نہیں رہند اپتر ہمیش تیکر رہند اے۔
- 36- ایس لئی جے پتر تہانوں آزاد کرے گا تے تسی سچ مچ آزاد ہو وگے۔

6- یوحنا 14 باب 5، 6، 10، 12، 15 آیتاں

5- تو مانے اوہنوں آکھیا اے خداوند اسی نئیں جان دے پئی توں کتھے جاناں ایں فیر اسی راہ کیویں جاناں گے؟

6- یسوع نے اوہنوں آکھیا راہ تے سچائی تے حیاتی میں واں کوئی میرے وسیلے توں بغیر پیو دے کول نئیں آؤندا۔

10- کیہ توں یقین نئیں کرد اپنی میں پیو آں تے پیو میرے وچ اے؟ ایہہ گلاں جیہڑیاں میں تہانوں آکھدا واں اپنے ولوں نئیں آکھدا پر پیو میرے اندر رہ کے اپنے کم کردا اے۔

12- میں تہانوں سچ آکھدا واں اپنی جیہڑا میرے اُتے ایمان رکھدا اے ایہہ کم جیہڑے میں کردا واں اوہ وی کرے گا بلکہ لہناں توں وی وڈھے وڈھے کم کرے گا کیوں جے میں پیو کول جاناں واں۔

15- جے تسی میرے نال محبت کرھدے اوتے میرے حکماں اُتے عمل کرو گے۔

7- یوحنا 15 باب 1 توں 12 آیتاں

1- انگور دا اصل رُکھ میں واں تے میرا پیو باغبان اے۔

2- جیہڑی ٹہنی میرے وچ اے تے پھل نئیں دیندی اوہ اوہنوں وڈھ دیندا اے تے جیہڑی پھل دیندی اے اوہنوں چھانگدا اے تاں جو بوہتا پھل دیوے۔

- 3- ہن تسی اوس کلام دے پاروں جیہڑا میں تہاڈے نال کیتا پاک او۔
- 4- تسی میرے وچ قائم رہو تے میں تہاڈے وچ۔ جیویں جے ٹہنی انگور دے رُکھ وچ قائم نہ رہو تے تے اپنے آپ پھل نہیں دے سکدی اوسے طرح تسی وی جے میرے وچ قائم نہ رہو تے پھل نہیں دے سکدے۔
- 5- میں انگور دا رُکھ واں تسی ٹہنیاں او۔ جیہڑا میرے وچ قائم رہندا اے تے میں اوہدے وچ اوہ بوہت پھل دیندا اے کیوں جے میتھوں دکھ ہو کے تسی کجھ نہیں کر سکدے۔
- 6- جے کوئی میرے وچ قائم نہ رہو تے تے اوہ ٹہنی وانگر سٹ دتا جاندا تے سٹک جاندا اے تے لوکی اوہنوں جمع کر کے اگ وچ سٹ دیندے نہیں تے اوہ سڑ جاندا اے۔
- 7- جے تسی میرے وچ قائم رہو تے میریاں گلاں تہاڈے وچ قائم رہن تے جو چاہو و منگو۔ اوہ تہاڈے لئی ہو جاوے گا۔
- 8- میرے پیو دا جلال ایہدے نال ای ہندا اے پئی تسی بوہت پھل دیو۔ تدا ای تسی میرے چیلے ٹھہرو گے۔
- 9- جیویں پیو نے میرے نال محبت رکھی اونج ای میں وی تہاڈے نال محبت رکھی تسی میری محبت وچ قائم رہو۔
- 10- جے تسی میرے حکماں اُتے عمل کرو گے تے میری محبت وچ قائم رہو گے جیویں میں اپنے پیو دے حکماں اُتے عمل کیتا اے تے اوہدی محبت وچ قائم واں۔
- 11- میں ایہہ گلاں ایس لئی تہانوں آکھیاں نیں پئی میری خوشی تہاڈے وچ ہووے تے تہاڈے خوشی پوری ہو جاوے۔
- 12- میرا حکم ایہہ اے جیویں میں تہاڈے نال محبت رکھی تسی وی اک دو جے نال محبت رکھو۔

سائنس تے صحت

1- 1-31:433

اوہ! پر مسیح، سچائی، حیاتی داروح تے فانی انسان دایار، قید خانیاں دے بوہیاں نوں کھول سکداتے قیدیاں نوں
رہا کر سکدا اے۔

2- 11-10:583

مسیح۔ رب دا الہی اظہار، جیہڑا مجسم غلطی نوں برباد کرن لئی بدن دی صورت وچ آوندا اے۔

3- 1-29:288

مسیح دے اندر مسیحائی دے عنصر نے اوہنوں راہ و کھاؤن والا، سچائی تے حیاتی بنایا۔

ابدی سچائی اوہنوں برباد کر دی اے جیہڑا انسان نوں غلطی توں سکھیا ہو گیا و کھالی دیندا اے تے رب دے پتر
دے طور تے انسان دی اصلیت روشنی وچ آؤندی اے۔

4 - 1:136-5، 32-1

یسوع نے مسیح دی شفا دی روحانی بنیاد اُتے اپنا چرچ بنایا تے اپنے مشن نوں جاری رکھیا۔ اوہنے اپنے کچھے ٹرن
والیاں نوں سکھایا پئی اوہد امدھب الہی اصول سی، جیہڑا خطا نوں باہر کڈھ داتے بیمار تے پاپی دونواں نوں شفا
دیندا سی۔

یسوع صبر نال تے سچائی دی ہستی نوں ظاہر کر دیاں ہوئے اپنی تعلیم اُتے قائم رہیا۔

5 - 7-29:315

انسانی شبیہ اپنا دیاں ہوئے (یعنی جیویں پئی فانی نظر نوں وکھائی دیندا اے)، انسانی ماں دے پیٹ وچ حمل
لیندیاں ہوئیاں، یسوع روح تے بدن دے وچکار، سچائی تے غلطی دے وچکار درمیانی سی۔ الہی سائنس دی
راہ نوں واضح کر دیاں تے ظاہر کر دیاں ہوئیاں، اوہ اوہناں ساریاں لئی مکتی دی راہ بن گیا جنہاں نے اوہدے
کلام نوں قبول کیتا۔ انسان اوہدے توں ایہہ سکھ سکدے نیں پئی بریائی توں کیویں بچیا جاوے۔ حقیقی انسان دا

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیہڑا بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیااے۔

سائنس دے پاروں اپنے خالق نال تعلق استوار کر دیاں ہوئیاں، انسان نوں صرف پاپ توں دور ہون تے مسیح، یعنی حقیقی انسان تے رب دے نال اوہدے تعلق نوں پاؤن تے الہی فرزندگی نوں پہچانن لئی فانی خودی توں نظر ہٹاؤن دی لوڑاے۔

6- 19-29:399

ساڈے مالک نے آکھیا: ”کسے زور والے بندے دے گھروچ وڑھ کے کوئی بندی کیویں لٹ سکدا اے جد تیکر پئی پہلاں اوہدے ہتھ نہ بنھ لووے؟“ دو جے لفظاں وچ، میں بدن نوں کیویں شفا دے سکداواں، بغیر نام نہاد سیان توں شروع کیتیاں، جیہڑی براہ راست بدن نوں کنٹرول کردی اے؟ جدوں اک واری بیماری ایس نام نہاد سیان وچ نیست کردتی جاندی اے، تے بیماری دا ڈر دور ہو جاندا اے، تے ایسے لئی بیماری دا علاج وی مکمل طور تے ہو جاندا اے۔ فانی انسان ”زور والا بندہ“ اے، جنہوں تالبع رہنا چاہیدا اے ایس توں پہلاں پئی ایسدا اثر صحت تے اخلاق اُتے مکا دتا جاوے۔ ایس غلطی نوں فتح کرن نال ”اسی زور والے بندے“ دیاں شیواں، یعنی پاپ تے بیماری نوں لٹ سکدے آں۔

انسان صحت دی ہم آہنگی پاؤندے نیں صرف تہجد اوہ مخالفت نوں ترک کردے، الہی سیان دی بالادستی نوں پہچان دے تے مادی عقیدیاں نوں چھڈ دے نیں۔ بیماری دی شبیہ نوں مایوس کن خیالاں وچوں تلف کرو ایس توں پہلاں پئی ایہہ شعوری سوچ، عرف بدن، وچ ٹھوس شکل اپنالوے، تے تسی بیماری دی ترقی نوں روک سکو گے۔ ایہہ کم اسان ہو جاندا اے، جے تسی ایہہ سمجھ لو پئی ہر بیماری اک غلطی اے تے ایس دی نہ کوئی

علامت اے تے نہ کوئی قسم اے، سوائے ایسے جو فانی سیان ایہنوں دیندی اے۔ غلطی یا بیماری نوں سوچ
نال اچا کرن نال، تے سچائی لئی لگاتار کوشش کرن نال تسی غلطی نوں تباہ کر دے او۔

7- 21-13:25

یسوع نے اظہار دے پاروں حیاتی داطریقہ کار سکھایا، تاں جوں اسی ایہہ سمجھ سکئے پئی کیوں الہی اصول بیمار
نوں شفا دیندا، غلطی نوں باہر کڈھداتے موت اُتے فتح مند ہندا اے کسے دو جے بندے دی نسبت جید اصل
کم روحانی ہووے یسوع نے رب دی مثال نوں بوہت چنگے طریقے نال پیش کیتا۔ رب دے نال اوہدی
فرمانبرداری نال اوہنے باقی ساریاں لوکاں دی نسبت ہستی دے اصول نوں بوہتا روحانی ظاہر کیتا۔ ایسے طراں
اوہدی ایس نصیحت دی طاقت اے پئی ”جے تسی میرے نال پیار کر دے او تے میرے حکماں اُتے عمل کرو
گے۔“

8- 17-1:54

اوہنے انسانی حیاتی دی عظمت دے پاروں الہی حیاتی نوں ظاہر کیتا۔ اوہدے خالص خلوص دی وسعت دے
پاروں اوہنے محبت دی وضاحت کیتی۔ سچائی دی فراوانی نال اوہنے غلطی نوں جتیا۔ جگ نے، ایہہ نہ ویکھدیاں
ہوئے، اوہدی راستبازی نوں قبول نہ کیتا، بلکہ دھرتی نوں اوہ ہم آہنگی نصیب ہوئی جنہوں اوہدے جلالی نمونے
نے متعارف کرایا سی۔

اوہدی تعلیم تے نمونے مگر ٹرن نوں کون تیار اے؟ ساریاں نے چھیتی یا کجھ چر بعد مسیح یعنی رب دے اصلی تصور وچ اپنے آپ نوں جوڑنا ایس۔ یسوع دی انتہائی انسانی قربانی دی ہدایت ایہہ سی پئی اوہ اپنا خرید یا ہو نیا پاعا خزانہ پاپ آلود انسان دے خالی گداماں وچ آزادی نال پاو وے۔ اوہدے الہی اختیار دی گواہی وچ، اوہنے ایہہ ثبوت فراہم کیتا پئی حیاتی، سچائی تے محبت بیماری تے پاپی نوں شفا دیندے نیں تے عقل دے پاروں نہ کہ مادے دے پاروں موت اُتے فتح پاؤندے نیں۔ الہی محبت دا ایہہ سب توں اچا ثبوت سی جیہڑا اوہ پیش کر سکدا سی۔

9-3:18 9

یسوع ناصری نے انسان تے انسان دے اکٹھ نوں بیان کیتا، تے ایہدے لئی ساڈے اُتے اوہدی بوہت زیادہ عقیدت دا بھارا اے۔ اوہدا مشن انفرادی تے اجتماعی دونوں سی۔ اوہنے حیاتی دا مناسب کم پورا کیتا نہ صرف اپنے انصاف لئی بلکہ انساناں اُتے رحم دے پاروں اوہناں نوں ایہہ دکھان لئی پئی اوہناں نے اپنا کم کینویں کرنا اے، بلکہ نہ تے آپ اوہناں لئی کرن یا نہ ای اوہناں نوں کسے ذمہ داری توں آزاد کرن لئی ایہہ کیتا۔

26-14:227 10

انسان دیاں اصلیتاں نوں سمجھدیاں ہوئے اسی سارے ظلماں دی تباہی دے بارے پیش بینی کرن وچ ناکام
نئیں ہو سکدے۔ غلامی انسان دی جائز حالت نئیں اے۔ رب نے انسان نوں جمیا۔ پولوس نے آکھیا، ”میں
آزاد جمیا۔“ سارے انساناں نوں آزاد ہونا چاہیدا اے۔ ”جتنے کتر خداوند داروح اے، اوتھے آزادی
اے۔“ محبت تے سچپائی آزاد کردے نیں، پر بدی تے غلطی غلامی ول لے جاندا اے۔

کر سچن سائنس آزاد نوں اچا کردی تے چیکدی اے پئی: ”میرے مگر ٹرو! بیماری، پاپ تے موت دے
بندھناں توں بچو!“ یسوع نے راستہ سدھا کیتا اے۔ جگ دے واسیو! ”رب دے بچیاں دی جلالی آزادی“
نوں قبول کرو، تے آزاد ہوو! ایہہ تہاڈا الہی حق اے۔

11- 27-22:37

ایہہ ممکن اے، ہاں اے ہر بچے، مرد تے عورت دی ذمہ داری تے حق اے پئی اوہ جیاتی تے سچپائی، صحت تے
پاکیزگی دے اظہار دے پاروں مالک دے نمونے دی کسے حد تیکر پیروی کرن۔ مسیحی لوکی اوہدے پیروکار
ہوون داد عویٰ تے کردے نیں پر کیہ اوہ اوہدے مگر اوسے طرح ٹردے نیں جیویں اوہنے حکم دتا اے؟

12- 8-6:572

”آپس وچ محبت رکھیے“ (1 یوحنا 3 باب 23 آیت)، الہامی لکھاری دی سب توں سادہ تے ڈونگی نصیحت
اے۔

13- 21-16:45

رب دی تمجید ہووے تے کوشش کرن والے دلاں لئی سلامتی ہووے! مسیح نے نسانی امید تے ایمان دے
بوہے توں پتھر ہٹا دتا اے، تے رب وچ حیاتی دے اظہار دے راہیں اوہنے انسان دے روحانی خیال تے
اوہدے الہی اصول، یعنی محبت دے نال ممکنہ کفارے نال اوہناں نوں اُچا کیتا۔

14- 7-6:434

”مسیح دی شریعت ساڈے قانوناں اُتے ترجیح رکھدی اے؛ ایس لئی آڈا ایس مسیح دے مگر ٹریئے۔“

روزانہ دے فرض

میری بیکریڈی دلوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور دار ہووے گا۔

چرچ مینوٹیل، آرٹیکل VIII، سیکشن 6۔